

Modalen kommune
Rådmann Øivind Olsnes
Postb. 44
5729 Modalen

Storavatnet fiskarlag
v/Anders Steinsland
Ole Anders Heimdal
5729 Modalen

Me søker med dette om midlar frå Modalen kommune sitt viltfond til utfisking i Steinslands- og Stølsvatnet. Det vert vist til vedtekter for forvaltning av midlar til fiske/vilt vedtatt 13. juni 2013 i Modalen kommunestyre (sak 016/13). Søknaden vert sendt Modalen kommune v/rådmannen for vurdering og vidarebehandling i Formannskapet, jfr. § 5 i vedtektene.

Ansvarleg søker er Storavatnet fiskarlag v/Anders Steinsland, Modalen 1547, 5729 Mo og Ole Anders Heimdal, Modalen 1617, 5729 Mo. Det kan vere aktuelt å knytte til oss fleire i arbeidet.

BKK fekk i 1992 konsesjon av OED til utbygging og drift av Nygard pumpekraftverk og Åsebotn kraftverk i Modalvassdraget. I konsesjonsvilkåra heiter det mellom anna:

*«...Fra og med et året konsesjon er gitt, plikter konsesjonæren å innbetale et årlig beløp på henholdsvis kr 85.000,- til Modalen kommune og kr 25.000,- til Vaksdal kommune til opphjør av fisk/vilt/friluftslivet. 60.000 av de kr 85.000 til Modalen kommune skal øremerkes **opphjør for utnytting av fiskeressursene i Steinslandsvatnet**. Beløpet skal justeres etter de tidsintervaller som loven til eenhver tid bestemmer. Midlene skal benyttes etter nærmere bestemmelse av kommunestyrene...».*

Omsynet til opphjør for utnytting av fiskeressursene i Steinslandsvatnet er ivaretatt vedtektene til Modalen kommune § 3 andre ledd:

«...Det skal særskilt takast omsyn til vilkåra for øyremerka midlar til opphjør for utnytting av fiskeressursane i Steinslandsvatnet...».

Situasjonen i Steinslandsvatnet er at det er «overbefolka». Dette gjer vatnet lite attraktivt som fiskevatn. Dertil har kraftubyttinga med Nygard pumpekraftverk skapt ei opning for etablering av ein ny art – røye – i Steinslandsvatnet. Harald Steinsland fanga i 2008 røye i

Steinslandsvatnet. Det er eit poeng for søkjarane å avgrense spreinga av røye. Men konsesjonsvilkåra opnar altså for tildeling av midlar også for reine utfiskingstiltak.

Det er innhenta fleire rapportar og det er som kjent i den samanheng foretatt prøvefiske. Me sit på ein del dokumentasjon om dette. I denne omgang vel me å oversende rapport som dokumenterer utfisking som ein foreslått metode for opphjelp av fiskeressursane i Steinslandsvatnet. Det vert vist til:

Vedlegg 1.: Driftsplan for Steinslandsvatnet, Modalen av 3. desember 2014

Rapporten er innhenta på bestilling frå BKK Produksjon AS. Søkjarane ynskjer å binde seg til å utføre det hovudtiltaket som rapporten viser til. Det heiter under punkt 3.2; utfisking med garn og båt med kraftig motor.

Skal ein gjennomføre tiltaket i samsvar med det som den sakkyndige her tilrår, vil det måtte **kjøpast inn nødvendig utstyr og det må leggjast ned ein betydeleg arbeidsinnsats**. I tillegg til bruk av garn, tenkjer me at det vil vere fornuftig å fiske med ei stor fiskeruse. Fisken vil bli samla opp i båten, køyrt til lands og handtert på forsvarleg vis. Levande fisk frå fiskerusa tek me sikte på å frakte til Mofjorden for utslepping der. Me vil registrere tal på fisk.

Når det gjeld kostnader til innkjøp, sjå:

Vedlegg 2: Diverse annonser på Finn.no (namn er sladda)

Annonsene gjer oss eit inntrykk av prisleiet på det utstyret som må til. Me vil sjølv sagt forsøke å gjere så fornuftige innkjøp som råd er. Det er imidlertid svært viktig at oppdraget vert rigga på ein fornuftig måte med utstyrshus, båt med tilstrekkeleg storleik og motor, flytebrygge etc. For at me skal kunne gjere arbeidet, må det me vere utrusta slik at det kan gjerast på ein mest mogeleg praktisk måte. Dertil kjem at dette er tungt arbeid og me er avhengig av tryggingsutstyr.

Utstyrshall og anna utstyr vil etter utdeling tilhøyre Storavatnet fiskarlag.

Alle kostnader vert å honorere etter rekning. Arbeidstimar etter timeliste.

Oppstart innkjøp av utstyr og utfisking er tenkt å vere 1. juni 2016. Avslutning av utfiskingsprosjektet vert sett til 1. september 2020.

Eit vellukka resultat vil kunne gjere Steinslandsvatnet til eit attraktivt fiskevatn. Det vil kunne vere med å styrkje Modalen sin attraktivitet som fiske – og friluftslivskommune.

Me har laga eit budsjett:

Budsjett utfisking Steinslandsvatnet

Båt med motor	kr 200 000,00
Flytebrygge med landgang	kr 30 000,00
40 garn	kr 25 200,00
Stor fiskeruse	kr 100 000,00
4 redningsvestar, oppbåsbare	kr 3 000,00
Utstørsbygg i stål	kr 150 000,00
Arbeid med å føre opp stålbygg	kr 100 000,00
To flytedresser	kr 4 000,00
Landanlegg til flytebryggene	kr 300 000,00
Liner, blåser etc	kr 40 000,00
Båthengar	kr 24 000,00
Nye garn, uforutsett og vedlikehald	kr 50 000,00
Samla kostnad ifm oppstart	kr 1 026 200,00
Arbeidstimar utfisking i 5 år iht rapport a kroner 350,- per time	
År 1	kr 122 500,00
År 2	kr 122 500,00
År 3	kr 35 000,00
År 4	kr 35 000,00
År 5	kr 35 000,00
Anna arbeid med tiltaket, så som vedlikehald, frakt av fisk etc	kr 70 000,00
Samla for den første fem års perioden:	kr 420 000,00
Forventa samla kostnader:	kr 1 446 200,00

Det hastar med tilbakemelding på søknaden, då grunneigarane til Steinslandsvatnet er saksøkt i skjønn (sak 93-018355SKJ) for Nordhordland tingrett. Skjønnet tek til 25. april 2016. Medhald i søknaden kan ha relevans på skjønnet.

Ta kontakt om det er noko som bør utjupast ytterlegare. Ring eventuelt også vår advokat, Børje L. Hoff, på mobil 99425925.

Me håpar på ei positiv sakshandsaming.

Modalen, den 26. februar 2016


Ole Anders Heimdal


Anders Steinsland